

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 454900 23 St
Tuzla, 18.04.2024. godine

Općinski sud u Tuzli, stečajni sudija Vedran Milašinović, u stečajnom postupku nad stečajnim dužnikom „TROKEN BAU BH“ d.o.o. za završne radove u građevinarstvu Kalesija, Memići bb, Kalesija, nakon provedenog stečajnog postupka, donio je dana 18.04.2024. godine sljedeće:

RJEŠENJE

OTVARA SE stečajni postupak nad imovinom dužnika „TROKEN BAU BH“ d.o.o. za završne radove u građevinarstvu Kalesija, Memići bb, Kalesija, matični broj subjekta 32-01-0267-08, JIB: 4209923280007, račun broj: 3386502246520135 otvoren kod Unicredit bank d.d. Mostar.

Za stečajnog upravnika imenuje se Senad Uzunić iz Tuzle.

ZAKLJUČUJE SE stečajni postupak nad imovinom dužnika „TROKEN BAU BH“ d.o.o. za završne radove u građevinarstvu Kalesija, Memići bb, Kalesija, zbog nedostatka stečajne mase za pokriće troškova stečajnog postupka.

Rješenje će se objaviti na oglasnoj tabli suda, web stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjelenju registra ovog suda, radi brisanja stečajnog dužnika iz sudskog registra.

Obrazloženje

Rješenjem Općinskog suda u Tuzli broj: 32 0 St 454900 23 St od 26.12.2023. godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva „TROKEN BAU BH“ d.o.o. za završne radove u građevinarstvu Kalesija, Memići bb, Kalesija, a za privremenog stečajnog upravnika imenovana je Senad Uzunić iz Tuzle, sve temeljem odredaba člana 61 Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 18.01.2024. godine. Iz izvještaja privremenog stečajnog upravnika i navoda datih na ročištu proizilazi da je društvo osnovano radi obavljanja unutrašnjih radova u građevini, ali da zbog nepredviđenih okolnosti nakon osnivanja nije ni započelo sa poslovanjem, da bi dana 31.10.2023. godine direktor donio formalnu odluku o prestanku poslovanja. Društvo nikada nije imalo značajne imovine, a trenutno je sva imovina rashodovana i isknjižena. Društvo nema niti je ikada imalo stalnih sredstava za poslovanje. Račun društva kod Unicredit banke je zatvoren 2013. godine. Iz uvjerenje Porezne uprave proizilazi da društvo ima obaveze za doprinose i poreze u iznosu od 22.801,00 KM, dok društvo nema bilo kakve imovine iz koje bi se mogli namiriti troškovi postupka i potraživanja povjerilaca.

Odgovorno lice stečajnog dužnika, a što proizilazi iz izvještaja i mišljenja privremenog stečajnog upravnika je u roku od 60 dana od nastupanja platežne nesposobnosti podnijelo prijedlog za otvaranje stečajnog postupka, s obzirom da je prijedlog podnesen 02.11.2023. godine, a dana 02.10.2023. godine društvo je dobilo nalog za plaćanje od strane Porezne uprave FBiH.

Dakle, sud nalazi da je podneseni prijedlog dopušten i da postoji stečajni razlog za otvaranje stečajnog postupka predviđen članom 6 stav 2 i članom 102 Zakona o stečaju.

U smislu odredbe člana 103 stav 1 Zakona o stečaju, a u vezi sa odredbom člana 102 stav 7 Zakona o stečaju F BiH, a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 07.02.2024. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 4.000,00 KM na ime otvaranja stečajnog postupka, iz kojeg predumjmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 14/24 dana 21.02.2024. godine, oglasnoj tabli suda dana 09.02.2024. godine i na web stranici suda, kojim se objavama javni poziv smatra dostavljenim.

S obzirom da u ostavljenom roku koji je propisan zakonom predlagač, povjerioci ili neko od zainteresovanih lica nisu izvršili uplatu predujma za obezbjeđenje troškova stečajnog postupka, sud je u smislu odredbe člana 102 stav 8 Zakona o stečaju, donio odluku o otvaranju i zaključenju stečajnog postupka, na način određen u izreci rješenja.

Temeljem odredbe člana 102 stav 8 Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204 stav 1 i 3 Zakona o stečaju, a u vezi sa odredbom člana 190 stav 10 Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti FIA, dok je odredbom člana 204 stav 2 istog zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204 stav 5 Zakona o stečaju.

Na osnovu odredbe člana 206 stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102 stav 8 Zakona o stečaju sud je odlučio kao u izreci rješenja.

Stečajni sudija
Vedran Milašinović

POUKA O PRAVU NA IZJAVLJIVANJE PRAVNOG LIJEKA:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama.